

Nwa wù Bol gè san fε Taytu le Fiε fi le a Nwa wu Taytu wunε le

Nwa wunε gè san Bol fε chumu wumu le ba tεnje le Taytu. Taytu gè bee muh wù kituη kimi nyume gε ki Bajuu gε, wu gè chinε kinche ki wonη wuboo le wu kaase wu tu nyu muh wu mbεmε wu Kletu. Wu gè lene bε Bol, nyu muh wù gè fiih wu yi lεme che chi jε yi Nyo le. Bol gè san ηwa wunε fε chumu wunε le wu gè bee wonη wu Klet le. Wu gè bee yo Bol chinε wu le le wu shêε wu fiih yo wu jiiηe no lεme chi kintaashe ki bamii ba mbεmε gεεne.

Bol taη Taytu kune kinεe ki bamii ba le bikwεε bi kintaashe ki bamii ba mbεmε kεme kī bo kεme. Wu gè jεme wu le no wu gè yεde bamii ba Klet ba duude kεme kinεe nyume kī befe. Wu ka wu tefe Taytu no taηlo wu yēyi bamii yeye yeye a kintaashe ki bamii ba mbεmε le.

Bikwεε bi mwεε mù le a Nwa wunε le

1:1-4 Fεηkεε

1:5-16 Kune Bikwεε bi kintaashe ki bamii ba mbεmε

2:1-15 Kune gee chī bamii kεme yeye yeye antεnεε a kintaashe ki bamii ba mbεmε

3:1-11 Bol sεεη Taytu fiε fi wu kεme ki wu yēyi bamii ba mbεmε yu bachii

3:12-15 Kimεε

¹ Le mε wù Bol, nle mwa lεme wu Nyo mo mwa ntuη wu Jiso Kletu. Lεme chanη le ki ηgêε mbεmε

wu bamii ba Nyo gè cha wu gèene fwe, bε le bo kèe fiεε fi nchiεεη fi bii kinche ki Nyo le,

² bo mo bo jiiηe fwe yi kinche kɪ kage gε le. Kinche kinε le kɪ Nyo wù tanlo wu gε mbian chim-bian gε gè ka fε won kε.

³ Kife kɪ chuule gè doo ki kojε wu mo wu chunye jε ye waan fede yi jε ye yɪ nfeeji le. Gè nya Nyo wù Mbvuse wese besabεη bvunḡa bvuyu le nfèeji.

⁴ Nsaηe ηwa wunε fε wo le Taytu. Wo le mwa yaη wù nchiεεη yi mbεmε wù le wese besabεη le bachii. Nyo wù Chii bε Kletu Jiso wù le Mbvuse dûnye besabεη fitele fi jonε wu ka wu nyâ bee bε nyiεgee.

Lεme chɪ Taytu gè sheshe Klet ki wu gè

⁵ Fishan fi ηgè sheshe wo Klet gè bee le wo shεε wo nâjε mwεε mù gè baan mu nyume mu lenε, wo ka wo gêε bachiji bintaashe bi bamii ba mbεmε a bilaantεη le bichii a je yɪ ηgè yeyi wo yu le.

⁶ Ki muh nyume chiji kintaashe tu wu kεme ki wu nyûme muh wù ba kεme gε fiεε fi ba bεeme wu yi fi le gε. Wu kεme ki wu nyûme juma kwese wu mumwaa, boon be nyume bamii ba mbεmε, nyume gε wù bamii yene le bo kuule lo kεne bo tεeme bikwεε gε.

⁷ No chiji kikwεε ki kintaashe le muh wu lεme wu Nyo, tu gε wu kεme ki wu kême fiεε fi ba bεeme wu yi fi le gε. Gε wu kεme ki wu nyûme muh wù tεenyi kintεenyε gε, kεne wù kεme fitele fi saase gε, kεne muh wù muu mbvuun mo koode wu gε. Gε wu kεme ki wu nyûme muh wù wame bamii kεne wù kunε gεh nyume mbe wù achiji gε.

⁸ Wu keme ki wu nyûme wu fii bamii ba jienyi, wu koŋe fiεε fi joŋe, wu shee be ye ye, wu keme kinche kî chaan, wu keme kinche kî yuude, wu kee no wu jiji ye ye le.

⁹ Wu keme ki wu jiji n'yeyε wù kooji le wù ba yeyi wu yu chuule. Noo wu mo wu keε ki wu nyâa nteefe bamii le wù bii n'yeyε wù kooji le, wu ka chiεeyi te bamii ba teenyi n'yeyε wuyu le.

Bo chîde n'yeyε wu bamii ba chimbian

¹⁰ Njeme ne nje bamii le yu wesee bô teeme bikwεε, bo jeme jé yî achiji, bo leede be bamii, fede munchii ngoo yi bamii baa bô leme gēh le, ba keme ki ba chvûse bamii yeh.

¹¹ Bo banε le bamii ba bo bân lo de yiboo, nje bo jienyi bo cheŋe be yéh yi bamii yichii no bo yeyi mwεε mù bo keme gε ki bo yeyε gε. Bo gee noo nje mbe wù achiji wù bo kuŋe.

¹² Bamii banε le muh wuboo wumu kibεε wu to wu yene mwεε le wu gè jeme wa kune bo le, “Bamii ba Klet to bo nyume bamii ba chimbian segechii. Bo le lo nyân yi nchvuun yî befe, nyume bawεεle ba wude gēh nyume mwεε munjile.”

¹³ Njeme wuyu wunε kune bo le nchiεen. Noo, wo chîεeyi lo de yiboo le, wu le bo kême mbeme nyume wù kooji,

¹⁴ fede ki bo nya bikwεε biboo ki bo yuge nyume a banŋan ba Bajuu le, keεε mwεε mù bamii ba le ba fan kinchiεen kî Nyo duu le bamii bîi ki le.

¹⁵ Sege bamii keme muntele mù yuude, mwεε munchii mo mu yuude fε bo le. Geenε, bo ne keme muntele mù yiide nje bo keme mbeme seŋ, fiεε gε ka

fi nyume yu fi yuude fε bo le γε, nje banƙwaje baboo bε je yĩ muntele muboo le yu, le yi cheηe wa.

¹⁶ Bobaa bamii jεme le bo kee Nyo, geenε gee chiboo ka chi duunyi le bo le bo faη Nyo. Kinche kiboo nyiεne baan, bo tεεme bikwεε. Ge bo nyume bamii bo taηlo bo ge fiεε fi joηe γε.

2

Ban'yεyε kune kinche kĩ joηe

¹ Fε wo le Taytu, fiuη le le wo kεme ki wo yēyi bamii nyume bε mwεε mù cheηse a n'yεyε wù kooji le.

² Wo tēefe bilεηse ba le wa ηgamii le bo jĩji ye yiboo le yi fiεε le fichii, bo kēme ηgvunε fε bikwεε biboo le, bo shēe bε ye yiboo, bo kēme mbεmε nyume wù kooji, bo kēme kinƙoηe nyume kĩ kooji, bo kâane shén yi banƣe le bachii.

³ Wo tēefe tε bikεse ba le wa ηgamii, le bo kēme kinƣe nyume kĩ duunyi ηgvunε fε Nyo le. Keefe bo chēηe bε ajee a bamii γε. Keefe bo nyūme nfa yi mbvuun γε. Bo yēyi bamii nyume bε mwεε mù njōe.

⁴ Noo, bo mo bo teefe ηgóoη yi bikεse no taηlo bo kōηe bilεη baboo mo booη baboo,

⁵ bo ka bo gēe mwεε nje bamii ba shee bε bikwεε biboo, bo chēe kinche kĩ yuude, bo lene chilεme yéh yiboo le, bo kēme muntele mù njōe fε bamii le, bo yūge bilεη baboo le. Noo, muh γε ka wu nyu yu wù taηlo wu jεme jε yĩ befe kune jε yi Nyo γε.

⁶ Le geh yεηyεη no wo lé wo jēme chú yi bamii le le bo kεme ki bo gēe mwεε nje bamii ba kεme bvufee.

⁷ Wo dûunyi kinḡe kǐ jonḡe yi fiεε le fichii fi wo gee le, wu le bamii yêne bo bege. Sege wo yeyi bamii be fiεε, wo lêese fitele fiunḡ fichii yi fi le, wo yêyi be fitele fiunḡ fichii,

⁸ njeme wo nyume wù kooji wù tanḡo muh ge keme fiεε fi befe ki wu jême yo antene ge. Noo, bamii ba kinteenye bunḡ, bvuya le bvu koo bo nje ge bo keme fiεε fi befe ki bo jeme kune besabenḡ ge.

⁹ Wo têefe nfa le bo nyâ bikweε biboo bamii ba keme bo le, bo gêe fiεε fichii no bo goone le bo gêe. Keefe bo chvûse fiεε de yiboo le ge.

¹⁰ Keefe bo chônḡe mwεε muboo ge. Bo keme ki bo chûunyi lo jé le yichii le bo le bamii ba nchiεḡ. Ne bo gee noo yi fiεε le fichii, bamii mo bo yede n'yeyε wù kune Nyo wù le Mbvuse wese besabenḡ, le le fiεε fi keme njonḡ.

¹¹ Wo yêyi bo noo, nje kinḡonḡe ki Nyo le ki to wa wu le tanḡo bamii bachii to bo bone.

¹² Ki yeyi besabenḡ le besabenḡ chîne kinche kǐ Nyo konḡe ge le, be le keefe besabenḡ kême kinḡonḡe kǐ baan yi mwεε mu yi nshenḡ le ge. Le besabenḡ chêe be bvufee bwesa besabenḡ fo bvuchii, bee chêe kinche kǐ chaan mo kinche kǐ Nyo goone yi wonḡ kfunε le.

¹³ Le besabenḡ chêe noo, bee chiεene bvujonḡe bvù besabenḡ jiinḡe fwe yi bvu le, bvu nyume bvu ge bvu bunε, bvù le bvukuge bvu Nyo wese besabenḡ wù baan wù le Mbvuse wù le Jiso Kletu.

¹⁴ Wu gè nya kikweε ke nje besabenḡ ki wu sũunḡ bee yi bimbefe le bichii, ki wu gê besabenḡ yuude, bee nyume bamii be ba keme kinḡonḡe kǐ baan kǐ bo gee gee chǐ jonḡe.

¹⁵ Munε le mwεε mù wo keme ki wo yêyi bamii

yu. Wo yûfe muntele muboo, wo nâji bo bε bvunḡa bvuchii bvù wo keme. Keefe wo bêen muh laase wo gε.

3

No tanlo bamii ba mbεmε gêe bε bamii bamu

¹ Wo tâne bamii ba mbεmε le bo yûge bamii ba sage won le bε ba keme bvunḡa a bo we. Bo gêe fiεε fi bo jeme, bo nyûme bo seesε ki bo gee fiεε fichii nyume fi kooji.

² Keefe bo jême fiεε fi befe kune muh gε. Keefe bo wâade waa gε. Bo nyûme nyiεgee, bo jôde bikwεε biboo fεkuu a bamii bachii fwe.

³ Wo kwâji le besabεn gè shee tε bee gee kiyun, bee tεeme bikwεε, bamii leede bε bee bee jiaade je. Besabεn gè bee nfa yi mwεε yeye yeye mù ye yese besebεn koḡe, bee ka jii bikwεε biεsa. Besabεn gè chee kinche kesa bee keme gεh nyume muntele mù mbefe bε kindon ki bεnε, bamii banε besabεn, besabεn banε tε bamii.

⁴ Geenε, sege Nyo wù le Mbvuse wese besabεn gè dunye bvujonε bwe bε kinḡonε ke fε besabεn le,

⁵ wu mo wu bvuse besabεn. Gε wu gè bvuse besabεn nje fiεε fimi fi kooji fi besabεn gè ge le gε. Wu gè bvuse nje yii ye, fede yi nchuge wu wù gè chuge besabεn le, besabεn kεmε boyε chî fεn, Kiyo ki Yuude kuse besabεn, besabεn mo be nyume bamii bafεn.

⁶ Kiyo ki Yuude kinε le Nyo gè chvu lo yi ye yese besabεn le fede yi Jiso Kletu wù le Mbvuse wese besabεn le.

⁷ Wu gè ge noo wu le wu jô besabεn le besabεn keme gε jiale gε, nje kinḡonε ke fε bee le. Noo bee

mo be nyume banji la be ba jiinje fwe ki be ge be kême kinche kî kage gε.

⁸ Njeme wù njeme wunε le lo nchiεεη.

Ngoone le wo jême wo chiise lo mwεε munε bamii le, wu le bamii ba bεεη Nyo le bo yeη le bo le bo nyâ bikwεε biboo ki bo gee gee chî jone. Munε le mwεε mù njonje baan, mu too bε maaje fε bamii le bachii.

⁹ Geenε, wo wêene lo bε bambeje ba kiyun, bε ajee a bachiji chikfuu chî bamii too bo taηe. Wo wêene tε bε kintεenyε bε waa kune banchi ba Ba-juu. Gε munε mwεε keme lo maaje gε. Le mwεε mù achiji.

¹⁰ Nε muh le yu wù too bε kingaye, wo jême wu le. Nε wo le wo jεmε wu le chike chimimia bu chike chifεε nje wu lu sεη, wo chinε je ye le.

¹¹ Wo kêe le wεε muh le wu chinε wa je yî kooji le wu tu wu njiine lo, kinche ke le ki kimbefε, wu leesε wa kikwεε ke yi ηgε le.

Njeme wù kimεsε bε ban'yεsε

¹² Nlé ηgê nchiinjsε Atεma kenε Tichiku fε wo le. Wu doo wu to, wo moη chuule ki wo tô fε mεne Nikobole yanε. Le yo a nle nseesε le nlé ηgê nyûme yo yi kife ki nfun wù tεεme le.

¹³ Môn chuule ki wo fih Sena muh wù kee banchi chuule, bε Abolo yi njiεnyε wuboo le. Môn ki wo yêη le bo kεmε fīεε fichii fi bo goone.

¹⁴ Bamii besa tε keme ki bo yeγε ki bo nyâ bikwεε biboo ki bo gêe chilεme chî jone, wu le tanlo bo fih yi mwεε mù bo keme ki bo fih le. Keefε bo nyûme gεh lo achiji gε.

¹⁵ Bamii bachii ba le fεnε besa bo chiiηse n'yεsε wo le. Yεsε bamii bachii ba koηe bee yi mbεmε le. Tada dūnyε fitele fi joηe fε bεη le bachii.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337